

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 07/2-19-9-388/20
Sarajevo, 08.06.2020. godine

Bosna i Hercegovina
Federacija Bosne i Hercegovine
Vlada Federacije Bosne i Hercegovine

Predmet: Informacija o izvozu opasnog otpada iz Federacije BiH

Razvoj industrijske proizvodnje za posljedicu ima generisanje sve većih količina neopasnog i opasnog otpada, a samim tim i sve veći obim prekograničnog transporta opasnog i drugih vrsta otpada. Zbog toga se Bosna i Hercegovina, kao i druge države svijeta, suočava s izazovima zbrinjavanja kako opasnog, tako i ostalih vrsta otpada.

Federalno ministarstvo okoliša i turizma na osnovu Odluke o ratifikaciji Konvencije o kontroli prekograničnog prometa opasnog otpada i njegovom odlaganju („Službeni glasnik BiH“, broj: 31/00)– Bazelska konvencija i Odluke o uvjetima prekograničnog prometa opasnog otpada u skladu sa konvencijom o kontroli prekograničnog kretanja opasnih otpada i njihovu zbirnjavanju („Službeni glasnik BiH“, broj: 83/16) je ovlaštena institucija za prekogranični promet opasnog otpada koji obuhvaća uvoz, izvoz i provoz otpada u Federaciji Bosne i Hercegovine na ekološki prihvatljiv način. Prekogranični promet i prikupljanje opasnog otpada na području Federacije BiH je regulisan Zakonom o upravljanju otpadom („Službene novine Federacije BiH“, broj: 33/03, 72/09 i 92/17) i Pravilnikom o prekograničnom prometu otpada („Službene novine Federacije BiH“, broj: 7/11, 25/19 i 39/15).

U skladu sa ciljevima Bazelske konvencije (Bosna i Hercegovina je potpisnica od 2000. godine), a nastojeći zaštititi ljudsko zdravlje i okoliš od štetnih učinaka, te duboko svjesni moguće štete koju opasni otpad i druge vrste otpada mogu nanijeti ljudskom zdravlju i okolišu, Federalno ministarstvo okoliša i turizma posvećuje iznimnu pažnju pitanju njihovog prekograničnog prometa i zbrinjavanja. Sve s konačnim ciljem Konvencije prema kojem države trebaju osigurati da proizvođač otpada udovolji svojim obavezama u pogledu prijevoza i odlaganja opasnog otpada i drugih vrsta otpada u skladu sa zahtjevima za zaštitu okoliša, bez obzira na to gdje se odlaže.

U skladu sa zakonskom regulativom na području Federacije Bosne i Hercegovine postoje ovlašteni subjekti za prikupljanje i izvoz opasnog otpada na ekološki prihvatljiv način. Subjekti koji su registrovani za prikupljanje i izvoz opasnog otpada u Federaciji Bosne i Hercegovine su: Grioss d.o.o. Grude, KEMIS-BH d.o.o. Lukavac, Kemokop d.o.o. Tuzla i Modernizacija d.o.o. Gradačac.

Navedeni privredni subjekti su, uz saglasnost Federalnog ministarstva okoliša i turizma, u 2018. i 2019. godini prikupili i izvezli iz Federacije Bosne i Hercegovine ukupno 11.287,63 tona (T) opasnog otpada.

Prosječno na godišnjem nivou se izveze cca.5643,82 tone (T) opasnog otpada.

Opasni otpad koji se izvozi uglavnom čine: otpadne hemikalije, tekući gorivi otpad koji sadrži opasne materije, muljevi od boja i lakova, halogenirana otapala, otpadna ambalaža i filterski materijali, farmaceutski otpad i citostatici, frižideri, muljevi i filter kolači, galvanski talog, ekranske cijevi, fluorescentne cijevi i ostali otpad koji sadrži živu, elektronska oprema, zauljena zemlja i kamenje, olovni akumulatori, boje i lakovi, miješani čvrsti otpad, stara oprema koja sadrži klorofluorouglijike-hladnjaci i deterdžent-čvrsti.

Opasni otpad je izvezen i zbrinut na ekološki prihvatljiv način, u skladu sa odredbama Bazelske konvencije, u zemlje Evropske unije (EU) kao što su: Austrija, Slovenija, Njemačka i Hrvatska.

Prilog:

-Izveštaj o izvozu opasnog otpada iz Federacije BiH za 2018. i 2019. godinu

S poštovanjem,

Dostaviti:

- Naslovu,
- Arhivi.


MINISTRICA
dr. Edita Đapo